

НЭ'МА ПАУЛОС ЭФЭСИЙАР'А

Пешготын

Эфэс қэза Асия Р'омайеда бу. Эва бажаре һәри ә'йан бу, өса жи п'айт'эхте we қэзайе бу. Т'эмамия Императорийа Р'омайе-да^ф әw бажаре чара бу алиие мэзьянайия хwәда. Әw бажарәки гәләки бәдәw у хwәш бу. Р'аст ә бь даннасинкьрьна Павлос шьвин^ф Эфэседа ченәбьбу, ле диса wәкә се сала ль wьр ма у әw һин кьрьн, дәма р'әwитийа хwәйә 3-а (К'аред Шандийа 19:1; 20:31). Әwi әв нә'ма хwә жь кәле бawөрмәндед Эфәсер'а һwи-сийә (3:1; 4:1; 6:20). Нә т'әне әва нә'ма, ле өса жи нә'ма шийә Филипийа, Колосийа у Фьлимон кәледа һатьнә һwисаре. Әвана «Нә'мәйед^ф Кәле» тенә һ'әсабе.

Эва нә'ма чава қьрар у мәрәме Хwәдейи һ'әта-һ'әтайе ә'йан дькә, кә гава wәхт пер'а бьгьһижә, әw т'ьвдира Wi we бе сери у һ'әму тьште «бьн сәрwертийа Мәсiһда гьредаи бьн, һьн һәр тьштед ль ә'рде, һьн жи ль ә'змен» (1:10). Өса жи гәрәке һ'әму мьләт, һьн шьһу^ф, һьн жи нәшьһу^ф бьбьнә мьләтәк йәктийа Иса Мәсiһда, пе Хwәде һәwва гьредаи. Шанди^ф гази шьмә'та Хwәде we йәке дькә, кә нава we қьрара Хwәдеда бьминьн, бь йәктийа т'әwi Мәсiһ, т'әwi йәкбуна т'әмамия мәрьвайе^ф бьн.

Павлос п'ара нә'мейә пешьнда нет-фькьра йәктийа т'әwi Хwәде пешда дьк'ьшинә, дәрһәқа wан мәщалада дьбежә, кә Бав^ф Хwәде чава шьмә'та Хwә бьжарт, чава гиһандә гөнә-афубуне у сайа Көр'е Хwә Иса Мәсiһ әw аза кьрьн. У өса жи дәрһәқа wi созе Хwәдейи мэзьнда дьбежә, аwа готи дәрһәқа Р'өһ'е^ф Пирозда, кә әw чава бьһе^ф бәр азабуна мәва те дайине (сәред 1-е һ'әта 3-а).

Ле п'ара дōдада шанди хвэндэванар'а шьровәдыкә, кō әв жи-ийнәкә осада бьжин, вәки әв йәктия Мәсирә нава ванда оса р'аст к'ьфш бә, чава һәйә. Оса жи шьвинеда, малда, һөвалтийеда у һндава һөвда қәдър-һөрмәт бьн, бь мьлуктийе, һ'ьзкьрьне у хәмк'ешийе бәр һөв дахьн (сәрәд 4-а һ'әта 6-а).

Шанди ве нә'меда сәр се фькьред сурәти (символи) дьсәкьнә у бь ван сурәта йәктия шьм'әта Хвәдейә т'әви Мәсирә нишан дькә:

1. Шьвин мина бәдәнәке йә, сәрә к'ижане Мәсирә Хвәха йә.
 2. Шьвин мина ви авайийи йә, кәвьре ә'нишка^ф к'ижани Мәсирә.
 3. Шьвин мина к'өлфәтәке йә, малхе к'ижане Мәсирә.
- Павлос ве нә'меда гәләк дәрб дьдә сәр к'әрәма^ф Хвәдейә йәктия Иса Мәсирәда. Әв һәр тышти һ'ьзкьрьн, хвәдайин, бахшандьн, к'әрәм у р'онайа пирозийа^ф Мәсирәва гьре дьдә.

Сәрәшәма фькьра нә'ме

Пешготьн (1:1-2)

Мәсирә у шьвин (1:3-3:21)

Мәсирәда жийина ну (4:1-6:20)

Пашготьн (6:21-24)

Сьлавкьрьн

1 ¹Жь Павлосе бь ә'мьре Хвәде шандийе^ф Мәсирә Иса, ван мәрвьед^ф Хвәдер'а, йед кō Әфәседа* дьминьн у йәктия Мәсирә Исада амьн бьн:

²Дә бьра к'әрәм^ф у ә'дьлайийа Хвәдейе Баве^ф мә у Хөдан^ф Иса Мәсирә ль вә бә.

Дōа-дьрозгед р'өһ'анийә бь сайа Иса Мәсирә бона шьһу^ф у нәшьһуйа^ф

³ Шькьр жь Хвәдер'а, Баве Хөдане мә Иса Мәсирә, кō пе һ'әму дōа-дьрозгед р'өһ'анийә ль дийаре ә'змана йәктия Мәсирәда дōа ль мә кьрьн.

* ^{1:1} Нав һьнәк дестньвисарада «Әфәседа» т'өнә.

- 4 Бәри ә'фьрандына дьнйайе
Хwәде йәктийа Wiда әм
бьжартын,
wәки әм пироз^ф у бeқöсур
бьн, ль бәр Wi һ'ьзкьрь-
неда бьжин.
- 5 Әwi әм пешда к'ьфш кьрь-
бун,
чава ль қьрара Wi хwәш
һат,
кө мә бь дәсте Иса Мәсиһ
бькә лауед Хwә*.
- 6 Дә wәрьн әм пәсьне Wi
бьдьн, бона we к'әрәма^ф
Wийә хwәйир'умәт,
пе к'ижане йәктийа һ'ьзкьрь-
рийе Хwәда қәнщи ль мә
кьр.
- 7 Йәктийа Wiда әм аза бунә
бь хуна Wi,
ава готи афубуна^ф гөна стан-
дийә*.
- Әва йәка жь дәвләмәндтийа
к'әрәма Wi йә,
- 8 йа кө Wi бь мәр'дани сәр
мәда баранд,
пе һ'әму сәрwахти у фә'м-
дарийе.
- 9 Әwi сөр'а хwәстьна Хwә
мәва ә'йан кьр,
- чава ль Wi хwәш һат, йа кө
һе пешда қьрар кьрьбу,
wәки йәктийа Мәсиһда
бинә сери,
10 кө гава wәхт пер'а бьгьһижә,
әw т'ьвдир* мийасәр бә,
һ'әму тышт бьн сәрwертийа
Мәсиһда гьредайи бьн,
һьн һәр тыштед ль ә'рде,
һьн жи ль ә'змана.
- 11 Чава Хwәде қьрара Хwәда
пешда к'ьфш кьрьбу,
кө һәр тышт ль гора хwәстьн
у ә'мьре Wi бә,
әм щьһу^ф йәктийа Мәсиһда
п'ара Хwәде к'әтьнә,
12 wәки әм пәсьне р'умәта Wi
бьдьн
кө мә пешда гөмана хwә
данийә сәр Мәсиһ.
- 13 Йәктийа Wiда һун нәщьһу^ф
жи бунә п'ара Хwәде,
гава wә хәбәра р'астийе, ава
готи Мьзгинийа хьлазбу-
на^ф хwә бьһист.
Wә баwәрийа^ф хwә Wi ани
у бь Р'өһ'е^ф Пирози создайи
һатьнә моркьрьне.

* 1:5 Бь готьнәкә дьн: «Һәде лаутийа Хwәде бьстиньн».

* 1:7 Колоси 1:14.

* 1:10 Аһа жи те фә'мкьрьне: «Wәк'илти».

14 Р'öh'е Пироз чава бье^ф
 натийә дайине
 һ'әта әм созе Хwәде war бьн,
 чахе Хwәде шьмә'та Хwә лап
 аза кә,
 бона пәсндайна р'умәта
 Хwә.

Дöаие Павлос

15 Бона ве йәке мьн жь һьн-
 гева кö бона бawәрийа wәйә
 сәр Хöдан Иса у әw һ'ьзкьр-
 на wәйә һьндава т'әмамия
 шьмә'та Хwәдеда бьһистийә,
 16 бона wә мьн дәст жь шь-
 кьрдаине нәк'ьшандийә. Әз
 т'ьме нава дöаийед хwәда wә
 бир тиньм, 17 wәки Хwәдейе
 Хöдане мә Иса Мәсих, Баве
 хwәйир'умәт, Р'öh'е сәрwах-
 тийе у ә'йантийе бьдә wә, кö
 һун Wi т'ам нас бькьн. 18 Бьра
 ч'ә'вед р'öh'е wә вәбьн, wәки
 һун фә'м бькьн, чь йә әw гöма-
 на кö Wi гази wә кьрийә у чь
 йә әw дәwләмәндтийа р'умәта
 Wi, йа кö шьмә'та Wi we war
 бә 19 у чь йә әw qәwата Wийә
 мәзьнә беһьмбәр, йа кö нав мә

бawәрмәндада дьхәбьтә. Әв ә
 әw qәwата Wийә зор, 20 йа кö
 Хwәде сәр Мәсих да хәбате,
 гава Әw жь нава мьрийа р'акьр
 у ль дийаре ә'змана к'еләка^ф
 Хwәйә р'асте да р'уньштандь-
 не*, 21 Әw дани сәр һ'әму сәр-
 wertийа, һ'ökөмәтийа, qәwата,
 хöдантийа у öca жи сәр һ'әму
 навед кö тенә һьлдане, нә кö
 т'әне ль ве дьне, ле we дьне жи.
 22 У Хwәде һәр тышт кьрә бьн
 п'ийед Wi* у Әw бона шьвине^ф
 к'ьфш кьр чава сәрwере һәр
 тышти**. 23 Шьвин жи бәдәна
 Мәсихә, т'әмамбуна Wi йә, кö
 Хwәха һәр тышт ә, һәр тышти
 т'әмам дькә.

Жь мьрне бәрбь жийине

2 1 һун жь дәст нәһәқи у
 гөнед хwә мьри бун*, 2 га-
 ва һун пәй ә'дәтед ве дьне
 дьчун, ль гора хwәстьна мире
 сәрwertийа ве һәwe, wi р'öh'е
 кö ньһа жи нава ван мәрьвада
 йа хwә дькә, йед кö нә гөр'а^ф
 Хwәдеда нә. 3 Әм һ'әму жи
 wәхтәке пәй ван тышта дьчун,

* 1:20 Зәбур 110:1.

* 1:22 Зәбур 8:6.

** 1:22 Колоси 1:18.

* 2:1 Колоси 2:13.

бь дьлхавьжийед бьнйат'а мәрвайе дьжит у дьл у фькьред мәр'а чь дәрбаз дьбун мә әв дькьрьн у бьнйат'а хвәда жи һежайи хәзәба Хвәде бун, чава йед майин. ⁴Ле Хвәдеие кӧ хвәйе р'ә'ма дәвләмәнд ә, бь һ'ьзкьрьна Хвәйә мәзын, бь к'ижане әм һ'ьзкьрьн, ⁵ гава әм һе жь дәст нәһәқдийед хвә мьри бун, Әви т'әви Мәсиһ әм сах кьрьн. Бь к'әрәме^ф хун хьлазбуйи нә! ⁶Йәктийа Вида әм жь мьрьне р'акьрьн у т'әви Ви әм ль дийаре ә'змана данә р'уньштандьне, бь сайа Мәсиһ Иса. ⁷Ви әв йәк кьр, вәки ль нава ван зәманед кӧ we бен, дәвләмәндтийа к'әрәма Хвәйә беһьмбәр, һьндава мәда бь сайа Мәсиһ Иса, бь ширьнайи бьдә к'ьфше. ⁸Чьмки бь к'әрәме хун хьлазбуйи нә, пе бавәрийе у әв йәк нә жь вә йә, ле дайина Хвәде йә. ⁹Әв йәк нә жь кьрьна йә, вәки йәк п'әйе хвә бьдә. ¹⁰Бәле әм чекьрийед Ви нә, йәктийа Мәсиһ Исада хӧльқи, бона кьрьнед қәнщ, йа кӧ Хвәде пешда һазьр кьр, кӧ әм ванда бьминьн.

**Һ'әму бавәрмәнд
бь сайа Мәсиһ йәк ын**

¹¹Һун кӧ ә'сьле хвәда нәщьһу нә у жь алийе щьһуйада «бе сьнәт^ф» дьһатьнә һ'әсабе, йед кӧ хвәха хвә «сьнәткьри» һ'әсаб дькьрьн, бь сьнәтийа қальбә бь дәста кьри, ава бир биньн кӧ хун һьнге чь бун. ¹²Һьнге хун бе Мәсиһ у хәриб бун һьндава бажарвантийа Исраелда^ф у жь пәймана^ф у созед ван дур бун у ве дьнеда жи бе гӧман у бе Хвәде бун. ¹³Ле хун кӧ вәхтәке дури ван йәка бун, ньһа т'әви Мәсиһ Иса бунә, бь хуна Мәсиһ хун незик бунә. ¹⁴Чьмки Әв ә ә'дьялайиә мә, кӧ һәр дӧ, щьһу у нәщьһу кьрьнә йәк. Әви диваре навбьр'ийе, ава готи дьжмьнати бь бәдәна Хвә хьраб кьр ¹⁵у т'әми у ә'мьред Қануна^ф Мусада^ф бәтал кьрьн, вәки йәктийа Хвәда, жь һәр дӧйа щьһу у нәщьһу мәрвьәки ну бьхӧльқинә у бь ви авайи бькә ә'дьялайи*. ¹⁶У Мәсиһ бәдәнәкеда һәр дӧ т'әви Хвәде бь хаче^ф Хвә ль һәв анин, чьмки бь we кьрьне дьжмьнати к'окева

* 2:15 Колоси 2:14.

* 2:16 Колоси 1:20.

р'акър*. ¹⁷ У һат Мьзгинийа ә'длайийе да вә нәшьһуйед дури Хвәде у шьһуйед незикки **Wi***. ¹⁸ Чьмки бь сайа **Wi**, изьна мә һәр дөйа жи һәйә, бь Р'öh'әки незикки Баве бьн.

¹⁹ Ава һун иди нә хәлq у хәрибьн, ле бажарвантийа вә т'әви шьмә'та Хвәде йә у нәфәред мала Хвәде нә. ²⁰ Һун сәр ви р'ьк'ьне шандийа у п'ехәмбәра авакьри нә, кәвьре ә'нишка^ф к'ижани Мәсиһ Иса Хвәха йә. ²¹ Бь **Wi** т'әмамия авайи пева ши бь ши бона Хөдан п'арьстгәһәкә^ф пироз бьльнд дьбә. ²² Бь **Wi** һун жи бь һәвр'а тенә авакьрьне, чава хана Хвәде бь Р'öh'е Пироз.

Павлос, шандийе нәшьһуйа

3 ¹ Бона ве йәке әз Павлос бона Мәсиһ Иса гьрти мә, бона вә нәшьһуйа... ² Гәрәке вә бьһистьбә, кә әв вәк'илтийа к'әрәма Хвәде бона вә мьнр'а һатийә дайине. ³ Әв сөр'а бь дайинәке ль бәр мьн һатә вәкьрьне. Мьн ль жоре кьн вәр'а ньвиси ⁴ у гава һун

бьхуньн, һуне бькарьбьн бьзаньбьн кә әз чава сөр'а Мәсиһ фә'м дькьм*. ⁵ Әва сөр'а дәвред бьһөрида ль бәр бәндед дьне вәнәбуйә, чава ньһа бь Р'öh'е Пироз ль бәр шанди у п'ехәмбәред **Wийә** пироз вәбуйә. ⁶ Әва сөр'а вәбу, вәки нәшьһу пе Мьзгинийе т'әви Исраеле вар бьн, бьбьнә бәдәнәк у хвәйип'аред созе **Wi** бьн, бь сайа Мәсиһ Иса.

⁷ Әз бумә бәрдәстийе ве Мьзгинийе, анәгори дайина жь к'әрәма Хвәде, йа кә бь кьрьна қәвата **Wi** мьнр'а һатийә дайине. ⁸ Бәле әз кә жь нава шьмә'та Хвәдеда жь йе һәри бьч'ук кемтьр ьм, ле әв к'әрәм мьнр'а һатийә дайине, кә нава нәшьһуйада дәвләмәндтийа Мәсиһә нә ль бәр һ'ьша даннасин кьм ⁹ у ль бәр һ'әмуйа вәкьм, кә чава т'ьвдира сөр'а Хвәде те хәбате, йа кә һе дәвред бәреда шәм Хвәдеие кә һәр тышт ә'фьрандийә, вәшарти мабу. ¹⁰ Мәрәме Хвәде әв бу, вәки ньһа сәрвахтийа Хвәйә шур'ә-шур'ә, бь дәсте шьвине^ф ль сәрверти у һ'өкөмәтед

* ^{2:17} Ишайа 57:19.

* ^{3:4-6} Колоси 1:26-27.

дийаред ә'зманавә ә'йән бь-кә, ¹¹ анәгори қьрара Вийә һе дәврәд бәреда, йа кә Ви бь дәсте Мәсһ Иса, Хөдане мә кьр. ¹² Йәктийә Мәсһда у пе we бәвәрийә мәйә сәр Ви әм дькарьн бь мерк'ими у р'увәкьри незики Хвәде бьн. ¹³ Ава әз жь вә һиви дькьм, кә һун бәр хвә нәк'әвьн, бо-на ван щәфәйед кә әз бона вә дьк'ьшиньм. Әвана бона р'умәта вә нә.

Һ'ьзкьрьна Мәсһ

¹⁴ Бона ве йәке әз ль бәр Бав чок дьдьм, ¹⁵ жь к'ижани һәр қәбиләкә әрд у ә'змана наведе хвә дьстинә. ¹⁶ Дә бьра Әв вәкә дәвләмәндтийә р'умәта Хвә қәвате бь сайа Р'өһ'е Хвә бьдә вә, кә һун к'урайийә дьле хвәда бьшьдьн, ¹⁷ бь бәвәрийе Мәсһ дьле вәда бьжи у һун һ'ьзкьрьнеда р'ав^ф у р'ьк'ьне хвә бәвәжьн, ¹⁸ кә т'әви т'әмаийә щьмә'та Хвәде бькарьбьн фә'м бькьн, кә бәрайи, дьрежайи, бьльндайи у к'урайийә һ'ьзкьрьна Мәсһ чь йә. ¹⁹ Бәле бьра һун һ'ьзкьрьна Мәсһ нас кьн, йа кә жь һәр һ'ьш-ақьли

зедәтърә, вәки һун т'әмаийә Хвәдева т'ьжи бьн.

²⁰ Ава шькьр жь Вир'а бә, Йе кә дькарә һәр тьшти һе зедә кә, нә чава әм дьхвәзын йән дьфькьрьн, бь we қәвата кә нава мәда дьхәбьтә, ²¹ шькьр жь Вир'а нава щьвинеда, бь сайа Мәсһ Иса, һ'әму зәманида, һ'әта-һ'әтайе! Амин^ф.

Әм һ'әму жи бәдәнәк ьн

4 ¹ Ава әзи гьртийе бона наведе Хөдан, һиви жь вә дькьм, кә һун өса бьжин, чава лайиқи we газийе йә, к'ижанер'а һун һатьнә газикьрьне. ² Һун бь т'әмаийә мьлуктийе у шкәс-ти, бь сәбьре һ'ьзкьрьнеда ль бәр һәв дахьн*. ³ Бьщә'диньн, кә йәктийә Р'өһ' пе һәвгьре-дана ә'дьлайийе хвәй кьн. ⁴ Чава бәдән йәк ә у Р'өһ' йәк ә, һун жи гөманәкер'а һать-нә газикьрьне. ⁵ Хөдан йәк ә, бәвәри^ф йәк ә, ньхөмандьн^ф йәк ә, ⁶ Хвәде йәк ә, Әв Бәве һ'әмуя йә, кә сәр һ'әмуя р'а йә, бь һ'әмуя йа Хвә дькә у нава һ'әмуяда йә.

⁷ Бәле жь мә һәр кәсир'а жи к'әрәм һатийә дайине, чава

* ^{4:2} Колоси 3:12-13.

Мәсһ п'арәвәкьр. ⁸ Бона ве йәке те готъне:

«Гава һьлк'ышһа чу жоре, һесир т'әви Хвә бьрһн

у п'ешк'еш^ф данә мәрва»*.

⁹ Әв «һьлк'ышһа» чь те һ'әсабе? Дьхвазә бежә, кә Әв пешда бәржери we дьһна жерһн бу.

¹⁰ Әве кә бәржер бу, һәма Әв ә, Йе кә Хвә да феза һ'әму әзмана, вәки һәр тышти һ'ьзурийа Хвәва т'ьжи кә.

¹¹ Әва Әв бу, Йе кә п'ешк'еш данә мәрва, кә һьнәк бьбьнә шан-ди, һьнәк п'ехәмбәр, һьнәк

мьзгиндар, һьнәк жи сә'ви у дәрсар. ¹² Әви әв йәк кьр, вәки шьмә'та Хвәде шьхөлед

хьзмәтк'арийер'а һазьр бә, бона авабуна бәдәна Мәсһ, ¹³ һ'әта кә әм һ'әму жи бьгьһижьнә

we йәке, кә бавәрийе у Көр'е^ф Хвәде наскьрьнеда т'ьфақ^ф бьн, бьбьнә мәрвевд гьһишти, т'ам

вәкә бәжьн-бала Мәсһ.

¹⁴ Вәки өса йә жь вьр шунда әм нәбьнә мина зар'ока кә жь пела вьрда-веда дьк'әвьн у бь

дәрәвед мәрва бәр байе һәр һинкьрьнәке дьк'әвьн, йед

кә бь фелбазийа дьхапиньн у дьхальфиньн^ф.

¹⁵ Ле р'астһе пе һ'ьзкьрьне бежьн*, һәр алийада бьгьһижьнә сери, кә Мәсһ ә.

¹⁶ Жь Ви т'әмамия бәдәне һәвва нә у һ'әму жи бь алик'арийа һәр севькәке һәвва

гьредайи йә. У гава һәр п'арәкә бәдәне шьхөле хвә дькә, һ'ьзкьрьнеда хвәха дьгьһижә у мәзьн дьбә*.

Жийина нуйә т'әви Мәсһ чава әндәмед Бәдәна ви

¹⁷ Ава әз ве йәке мерк'ими дьбежьм у бь наве Хөдан т'әми ль вә дькьм, кә һун иди

т'ө шара we р'еда нөчьн, чава п'утп'арьст^ф бь фькьред хвәйә п'уч' дьчьн.

¹⁸ Әвана фә'мед хвәда шуна р'әшва чун у жь жийина Хвәде дур к'әтьнә, жь дәст нәзанийа нава хвә

у сәрһ'ышкһа хвә. ¹⁹ Шәрма р'уйе хвә өнда кьрьнә у өса хвә данә дохине, һ'әта кә һәр

шур'ә кьрьнед һ'әрам^ф дькьн у т'ер набьн.

²⁰ Ле вә Мәсһ өса нас нәкьр!

²¹ Бәле вә бона Ви бьһистһе

* 4:8 Зәбур 68:18.

* 4:15 Аһа жи те фә'мкьрьне: «Бь һ'ьзкьрьне пәй р'астһе бьн».

* 4:16 Колоси 2:19.

жи у чава йед п'ара Иса, хун we р'астийа нава Вида хин бунә. ²² Дә хун хәйсәте хwәйи бәре жь хwә дур хьн, ви мәрве кәвьи кӧ бь һавьжийед һ'ьләк'арва дерьсбуйи йә* ²³ у бь р'ӧһ' у фькьред хwәда ну-йәжийин бьн, ²⁴ мәрве ну ль сәр хwә wәргьрн, кӧ кьрасе Хwәдеда бь һәқи у һ'әлалийа бе қәлпи хӧльқи йә*.

²⁵ Аwa дәрәwa жь хwә дур хьн, жь wә һәр йәк һәвалә хwәр'а р'аст хәбәр дә*, чьмки әм бь һәвр'а әндәмед Бәдәна Мәсиһ нә. ²⁶ Һәгәр хун һерс к'әвьн, гӧна нәкьн*, бьра р'о сәр һерса wәр'а нәчә ава ²⁷ у ши нәдьнә мирещьн^ф. ²⁸ Әwe кӧ дьзийе дькә, бьра иди нәдьзә, ле бь худана хwәйә һ'әлал бь дәстед хwә бьхәбьтә, кӧ бькарьбә дәст бавежә к'әтийа жи. ²⁹ Бьра жь дәве wә қәт хәбәрәкә хьраб дәрнәйе, пештьри тыштед кӧ кери гӧһдара тен у к'аре дь-дьнә ван. ³⁰ У Р'ӧһ'е Хwәдеи Пироз нәешиньн, бь К'ижани хун бона Р'ожа Азайийе

һатьнә моркьрьне. ³¹ Дә бьра һәр тә'лайи, һерс, бәрзәқи^ф, қар'ә-қар' у готьнед нәр'еда жь wә дур бьн т'әви һәр шу-р'ә к'ин-бохийева. ³² У һәвр'а ширьн у дьлшәwат бьн, ль һәв бьбахшиньн, чава Хwәде бь Мәсиһ бахшандә wә.

Чава ч'ә'в бьдьнә Хwәде

5 ¹ Аwa ч'ә'в бьдьнә Хwәде, чава зар'ед һ'ьзкьри ² у хwә ль һ'ьзкьрьне бьгьрн, чава Мәсиһ жи әм һ'ьз кьрн у жийина Хwә бона мә да, Хwәдер'а бу һ'әди^ф у қӧрбана^ф бинхwәш.

³ Ле һ'әта наве қавийе^ф у һәр һ'әрабийе, йан тьмайе жи гәрәке нава wәда нәйе һьлдане, чава ль щьмә'та Хwәде нак'әвә. ⁴ Ӗса жи готьнед бемә'рифәти, йан бефә'ми, йан һ'әнәкед қәлпе хьраб, кӧ ль wә нак'әвьн, бьра жь дәве wә дәрнәйен, ле дәwсе шькьрдари. ⁵ Хун ве йәке заньбьн кӧ т'ӧ қав, йан һ'әрам, йан тьмак'ар (кӧ п'ут-п'арьст^ф ә) П'адшатийа Мәсиһ

* ^{4:22} Колоси 3:9; Р'омайи 6:6.

* ^{4:24} Колоси 3:10.

* ^{4:25} Зәкәрийа 8:16.

* ^{4:26} Зәбур 4:4.

у Хвәдеда вар набә. ⁶ Бъра т'ө кәс бь хәбәрәд п'уч' вә нәхапинә, чьмки бона ван тышта һерса Хвәде ль ван мәрвьед нәгөһдар р'адьбә. ⁷ Ава һун т'әви йед өса нәбьн! ⁸ Һун жи вәхтәке тә'ри бун, ле ньһа һун кә п'ара Хөдан ьн, р'онайи нә. Ава мина зар'ед р'онайе бьжин, ⁹ (чьмки бәре р'онайийе жь һәр қәншийе, һәқийе у р'астийе дьбә) ¹⁰ у бьзаньбьн кә чь ль Хөдан хвәш те. ¹¹ Т'әви ван кьред бәбәрә тә'рийе нәбьн, ле ван сәр аве хьн, ¹² чьмки бона ван тыштед кә әвана бь дьзива дькьн шәрм ә жи кә бе хәбәрдане. ¹³ Ле гава һәр тышт те бәр р'онайе, ашкәрә дьбә, ¹⁴ чьмки һәр тыште кә ашкәрә дьбә, дьбә р'онайи. Бона ве йәке һатийә готьне:

«Хәвьхийо, һ'ышйар бә!
Жь нав мьрийа р'абә
у Мәсиһ те тә р'онайи кә»*.

¹⁵ Ава бьньһер'ьн кә һун ньге хвә фәсал бавежьн, нәбьнә мина бәфә'ма, ле мина сәрвахта. ¹⁶ Дәст бьдьнә бәр вәхт,

чьмки зәмани хьраб ә*. ¹⁷ Бона ве йәке бәфә'м нибьн, ле бәле бьзаньбьн чь йә қьрара Хөдан. ¹⁸ У бь шәраве сәрхвәш нәбьн, кә ә'мьре мервь п'уч' дькә, ле бь Р'өһ'е Пирозва т'ьжи бьн. ¹⁹ Зәбур^ф у дьрозга, стьранед р'өһ'ани һәвдөр'а бежьн, бьс-тьрен у дьле хвәда Хөданр'а бьловиньн*. ²⁰ Һәр гав бона һәр тышти р'азибуне бьдьнә Бав Хвәде, бь наве Хөдане мә Иса Мәсиһ.

Боршдарийа жьн у мера

²¹ Бь хофа Мәсиһә нава хвәда ль бәр һәвдө хвә бышкеньн.

²² К'өлфәтно, өса хвә ль бәр меред хвә бышкеньн, чава ль бәр Хөдан*, ²³ чьмки мер сәре жьне йә, чава Мәсиһ жи сәре шьвине^ф йә у Хвәха Хьлазкьре^ф бәдәна Хвә йә. ²⁴ У чава шьвин ль бәр Мәсиһ хвә дьшкенә, бьра өса жи жьн һәр тыштида бәр мере хвә шкәсти бә.

²⁵ Мерно, жьнед хвә һ'ьз бькьн, чава кә Мәсиһ шьвин һ'ьз кьр у жийина Хвә бәр

* 5:14 Ишайа 26:19; 60:1.

* 5:16 Колоси 4:5.

* 5:19 Колоси 3:16-17.

* 5:22 Колоси 3:18; Пәтрус I, 3:1.

weва да*, ²⁶ wәки we бь хәбәре бөһөрти-жьбарә кә, пе аве бь-шо*, ²⁷ кө щьвине ль бәр Хwә қәшәнг бьдә сәкьнандьне, кө т'ө ләк'ә йан қәрч'ьмок, йан тыштәки мина ван сәр т'өнәбә, ле пақьж у беқәсур бә. ²⁸ Өса жи гәрәке мер жьна хwә һ'ыз бькә, чава бәдәна хwә. Йе кө жьна хwә һ'ыз дькә, әw хwә һ'ыз дькә. ²⁹ Чьмки бәдәна т'ө кәси бәр ч'ә'ве wi нә р'әш ә, ле we т'ер дькә у хwәй дькә, чава Мәсиһ жи щьвине, ³⁰ чьмки әм әндәмед бәдәна Wi нә.

³¹ Чава ньвисар ә:

«Бона ве йәке мер we де у баве хwә бьһелә, хwә ль жьне бьгьрә у һәр дө we бьбьнә бәдәнәк»*.

³² Әва сөр'а к'ур ә, ле әз готьна хwә тиньмә сәр Мәсиһ у щьвине. ³³ Бәле жь wә һәр кәс жи бьра жьна хwә һ'ыз бькә чава хwә у жьн жь мере хwә хоф бькә.

Т'әмийед бона зар'а у де-бава

6 ¹ Зар'но, чава бawәрмәндед Хөдан гөр'а де у баве хwә-да бьн, чьмки әв йәк р'аст ә*. ² «Qәдьре де у баве хwә бьгьрә» кө әв ә т'әмийа пешьн т'әви создайине, ³ «wәки чәрха тә р'аст бә у сәр ә'рде ә'мьре тә дьреж бә»*. ⁴ У һун бавно, зар'ед хwә һерс нәехьн, ле ван бь ширәт у һинкьрьна Хөдан мәзьн кьн*.

Хөлам у аха

⁵ Хөламно, бь хоф у тьрс, дьле сах гөр'а хwәийед хwәйә ве дьнеда бьн, чава гөр'а Мәсиһ-да*, ⁶ нә кө бь хөламтийа ль бәр ч'ә'ва, кө ль мәрьва хwәш бен, ле чава хөламед Мәсиһ бь дьл қьрара Хwәде бьқәдиньн. ⁷ Бь р'әзәдьли хөламтийе бькьн, чава Хөданр'а, нә кө мәрьвар'а. ⁸ Ыун заньн кө һәр кәс, һәгәр хөлам бә, һәгәр аза, чь

* ^{5:25} Колоси 3:19; Пәтрус I, 3:7.

* ^{5:26} Аһа жи те фә'мкьрьне: «Wәки we бь хәбәре һ'әлал кә, пе ава һ'әwз бьшо».

* ^{5:31} Дәстпәбун 2:24.

* ^{6:1} Колоси 3:20.

* ^{6:3} Қануна Дөшари 5:16; Дәрк'әтьн 20:12.

* ^{6:4} Колоси 3:21.

* ^{6:5-8} Колоси 3:22-25.

қәншийе кӧ бькә, вәкә we жи we жь Хӧдан бьстинә.

⁹ Һун жи хwәйино, һындава wанда ӧса бьн. Дәст жь гәф-гӧр'ийе бькьн. Һун заньн кӧ Хwәйе wan жи, Йе wә жи ль э'зманә йә у шәм Wi т'ӧ фьрқи т'ӧнә*.

Ч'әкед Хwәде

¹⁰ Һәйнәсәр, йәктия Хӧданда қәwат бьн, бь зорайийә қәwата Wi. ¹¹ Һәр ч'әке Хwәде ль хwә кьн, кӧ һун бькарьбьн мьqабьли һ'ӧнӧред мирещьн^ф бьсәкьньн. ¹² Чьмки шәр'е мә нә мьqабьли хун у гошт ә, ле мьqабьли сәрwerти у һ'ӧкӧмәтийә йә, мьqабьли миред ве дьнйә тә'ри йә у мьqабьли ордийед р'ӧһ'анийә хьрабә ль дийаре э'зманә нә. ¹³ Бона ве йәке ч'әкед Хwәде һьлдьн, кӧ һун бькарьбьн ль бәр р'о-жа охьрме гьран бьсәкьньн у пышти кьрьна һәр тыштир'а, щийе хwәдә қәwин бьсәкьньн.

¹⁴ Аwа щийе хwәдә бьсәкьньн, р'астийе мина к'әмбәре ль пышта хwә бьшьдиньн, һә-

қийе мина зьрһ'е ль синге хwә wәргьрьн* ¹⁵ у сол ньгед wәдә, бона Мьзгинийә ә'дьлайийе һазьр сәкьни бьн*. ¹⁶ Ль сәр һәр тыштир'а жи баwәрийе мина мөрт'але бьгьрьнә хwә, бь к'ижане һуне бькарьбьн һ'әму тиред агьрийә кӧ йе Хь-раб давежә, бьтәмьриньн. ¹⁷ У хьлазбуне мина к'ӧмзьрһ'е һьлдьн, мина шур жи хәбәра Хwәде, кӧ жь Р'ӧһ'е Пироз ә*. ¹⁸ Бь һ'әму дӧә у р'әща һәр гав дӧә бькьн пе Р'ӧһ'е Пироз. Сәр ве йәке һ'ьшйар бьминьн у бона т'әмамийә щьмә'та Хwәде т'ьме дӧә бькьн. ¹⁹ У бона мьн жи дӧә бькьн, кӧ гава эз хәбәр дьм, готьнәк мьнр'а бе дайине, wәки мерк'ими сӧр'а Мьзгинийе ә'йан кьм, ²⁰ бона К'ижане эз бь ван қәйде хwә қасьдийе дькьм. Дӧә бькьн, wәки эз бона We тӧрӧш кьм хәбәр дьм, чаwа лазьм ә.

Сьлавед ахьрийе

²¹ Wәки һун жи бона мьн бь-заньбьн, һаш жь һ'ал-һ'әwале

* 6:9 Колоси 4:1; Қануна Дӧшари 10:17.

* 6:14 Ишайә 59:17.

* 6:15 Ишайә 52:7.

* 6:17 Ишайә 59:17.

ӘФӘСИ, 6

мын һәбһн, Тьхикойе бьрайе дөлал у қольхк'аре амьн йәкти-йа Хөданда we һәр тышти вәр'а бежә. ²²Әз бона we йәке wi сәр wәда дышиньм, wәки һун һаш жь мә һәбһн у әw бь ve йәке дьл бьдә wә.

²³Дә бьра ә'дьлайи у һ'ьзкь-рын бавәрийева т'әвайи жь Бав Хwәде у Хөдан Иса Мәсиһ ль хушк-бьра бә. ²⁴Бьра к'әрәм т'әви ван һ'әмуйа бә, йед кә бь һ'ьзкьрна бе хьлази Хөда-не мә Иса Мәсиһ һ'ьз дькьн.